



Ivlii Cæsar| Scaligeri| Epistolæ| &| Orationes|

Scaliger, Julius Caesar

Lugduni Batavorum, 1600

Ivlivs Cæsar Scaliger Carolo Sevino amico præcipuo, S. LXXXII.

[urn:nbn:de:hbz:466:1-70455](https://nbn-resolving.de/urn:nbn:de:hbz:466:1-70455)

262 IVLII CÆSAR. SCAL.

vt publice absoluatur. Tertia nondum perfecta est. Item librum admirabilem de simplicibus medicamentis cum erroribus, tam antiquorum quam recentiorum. Vale, Agenni xv. Cal, Februarii. M.D. xxxiii,

IVLIVS CÆSAR SCALIGER
CAROLO SEVINO
amico præcipuo, s. LXXXII.

Exolv o nunc fidem micam, optime Seuine, Hymnos Iohanni Bapt. & Rocho atque Sebaſt. ad te mitto, ea lege, vt per te castigati, edantur, sed ita vt ne quid limæ desideretur in editione ipsa. Puncta vero tibi commendo, quorum rationem adeo necessariam duco, vt & illustriorem fieri orationem putem, non solum sententias distingui. Ludouicam vero Sabaudiam, præter cætera, vt quam diligentissime excudendam cures, etiam atque etiam rogo. quanquam enim multos habeat rex poetas optimos, tamen res ipsæ comparentur, non auctorum nomina. Fidei virgini & martyri Agenensi hymnus, nondum mihi penitus probatur, sed alias persoluam. sicut quatuor superiores, Deo patri, Dco filio, Dco spiritui, vtriusque & ab utroque vni,

&

& gloriosissimæ matri semper virginis Mariæ , qui omnes affecti sunt , sed nondum perfecti. Mitto etiam Epitaphia regiæ matris, parem fortunam tua ut opera subeant. libuit enim mihi insanire , qui post tot argumenta , tot illustrium virorum egregias inuentiones , ausus sim interstreperc, idque neque sobrie , neq. mediocriter, non enim uno Epitaphio contentus , alterum etiam addidi. Satis id putasti ? At non satis præcipiti ingenio , quale mihi obiiciunt amici , itaque cum vespere literas obsignasse, sub lucem poposci pugillaria, ut te quoque insomnia exerceat. Vale Agenni xx. Cal. Februarii M.D.XXXIII.

IVLIVS CÆSAR SCALIGER

MICHAELI VASCOSANO

Typographo S.P.D. LXXXIIII.

JOANNES Raollus Parisiensis cum Lutetiam iret , petiit de me siquid isthic sua opera curatum vellem : ei itaque negotium dederam , vt opusculum meum quod Lacrymas inscripseram , edendum tibi committeret , si iudicio tuo posteritatis memoria dignū videretur. Is ubi rediisset , præter spē nihil attulit. Quo factū est ubi suspicarer negligentius ab ipso datā operam. nam ne-

R 4 que